

AKASHVANI AIZAWL

REGIONAL NEWS BULLETIN

HEADLINES (MORNING)

- 1. Tunhnai khualzin pung nasaa lo avanga lo inpuahchah leh dawnstown dan te ngaihtuahin Tourism Minister Pu Lalnghinglova Hmar hovin Council of Churches in Mizoram (CCM) aiawhte an thukhawm.
- 2. Nikum 2025 January thla atanga September thla chhung khan ram dang atanga Mizorama zin lut zingah Myanmar khua leh tui an tam ber.
- 3. Indian railways hmalakna One Station One Product OSOP scheme hnuaiah kut themthiam mi nuai khat chuangin hamthatna an dawng tawh.
- 4. Union Minister for Electronics and IT Ashwini Vaishnaw chaun AI hma hun chu kalphung lian tak aain system te leh rintlak hmanga chher chhoh zel a ni ang a ti.

<><><>

TOURISM MEETING

Tourism Minister Pu Lalnghinglova Hmar hovin Tourism Department hotute leh Council of Churches in Mizoram (CCM) aiawhte chuan tunhnai Mizoram tourism chungchang thlirhovin MINECO-ah an thukhawm a.

Tourism Minister Pu Lalnghinglova Hmar chuan tunhnaiah Mizoram in khualzin a neih zat chu a pun nasat thu sawiin, "September thlaah Sairang thleng rel a lo lut a, a thla leh October thlaah Mizoram a khualzin lo lut zat chu mi sing kua a tling tih sawiin. Mizoram tlawhtu chu an la pun belh zel beisei a ni a, chumi tur pawh chuan Tourism Department lamin hma an la a ti a. Chutihruah chuan khualzin te engtinngelaw lo dawnstown an nih ang tih ngaihtuah a ngai ta a ni a ti.

Pu Lalnghinglova chuan tourist te chu Mizo nunphung leh khawsak dan hre sa bik lova lo lut an ni a. Tourism chuan mi zawng zawng a nghawng avangin kohhran leh khawtlang hruaitu te, tlawmngai pawl te nen thawhhona tha tak nei a lo dawnstown a ngai tih a sawi a. December thla chhungin district pathum belh tel lovin khualzin mi nuai 1.1 chuang an awm a, hunpui hmanlaia lo kal chak te an ni a, nakin zelah pawh hetih hunlai hi khualzin tam hunlai tur a ni a. Hei vang hian mipui lamah sensitisation leh awareness uar zawka kalpui zel an tum a ti.

Biak In chu khualzinte tlawh chak zingah a tel a, Biak In chhunga awmdan tur leh inthum dan tur thlenga mikhual lamin an hriat theihna tura hmalak dan leh, eng

chinah nge an lo tel ang tihte sawiho a pawimawh hle a ni tiin, CCM nena hmalakho dan turte ngaihtuah a tul thu a sawi a ni.

Council of Churches in Mizoram lam pawhin Mizoram a khualzin pung chu lawmawm an tih thu leh Mizoram tlawhtu an pung chuan Kohhran pawh a nghawng tel thu an sawi a. Chuvangin Kohhran anga ngaihtuahna sen a, hma lak tul an tih thu an sawi a ni.

He thutkhawm hi a bultanna leh sawihawwna huna hman a ni a. Hun remchang hmasaah ngun zawka thawhho dan tur ngaihtuah leh hmalakna awm thei tur hrang hrangte thlirhova thutkhawm leh nise tiin rel a ni. CCM lam pawhin hma lak an duhdan te ngaihtuahin lo thukhawm ve se tiin rel a ni bawk.



FOREIGN TOURIST

Nikum 2025 January thla atanga September thla chhung khan ram dang atanga Mizorama zin lut zingah Myanmar khua leh tui an tam ber.

Mizoram Tourism Department in a chhinchhiah danin, nikum 2025 January thla atanga September thla chhung khan ram dang atanga Mizorama rawn zin lut mi 7,866 an awm a, chung zingah chuan Myanmar atangin mi 5334 an tel a, an tam ber a ni. Myanmar hi United States in dawtin hemi hun chhung hian mi 879 an rawn zin a, Japan chu pathumna niin mi 197 an rawn zin a, United Kingdom atangin mi 176, Australia atangin mi 161, South Korea atangin mi 153, Germany atangin 82, hetihlai hian Mizoram thenawm, Bangladesh atanga lo zin an chhinchhiah chu mi 7 chauh an ni thung. Heng ram bakah hian, Canada, China, Egypt, leh Israel tiamin nikum chhung khan ram hrang hrang 50 chuang atanga zinmi ten Mizoram an rawn bawk a ni.

Nikum 2025 January thla atanga September thla inkarah khan July thla chu ram dang atanga zinmi an lo luh tam ber tum niin mi 1,650 an lo zin a, August thla in dawtin mi 1,518 an rawn zin a, June thlaah mi 1,197 an rawn zin a, May thla kha an tlem ber tum niin zinmi 298 in Mizoram an rawn tlawh a ni.

Kan corr report lo ngaithla ang.

Akashvani News Aizawl zawhna chhangin, Tourism Department hotute chuan ram dang atanga zinmi an chhinchhiah te hi Mizorama khualbuk Hotel, Guest House leh Homestay te bakah, Airport leh rel station entry point, check gate hrang hrang leh zinmi te tana hmun tlawh tur awm a ticket lakna hmun atang te in an lakhawm tih an sawi a, zinmi an chhinchhiah zingah chhinchhiah nawn an awm theih rualin chhinchhiah loh tam tak an neih an rin thu sawiin, Mizoram pawn atanga zinmi lo lut te chu chhinchhiah zat aiin an tam an rin thu an sawi bawk a ni.



CM

Chief Minister Pu Lalduhoma, Finance Minister ni bawk hovin CM Conference Hall-ah SNA Sparsh chungchang sawihona meeting department thlanbikte nen nimin khan an nei a. Forest Minister Pu Lalthansanga, RD Minister Prof Lalnilawma leh Pu TBC Lalvenchhunga, Adviser to CM bakah official pawimawhte an tel.

Sorkar laipui hnuaia hnathawh Single Nodal Agency System for Public Account Routing System for Harmonised transfers (SNA SPARSH) hmanga funding kal dan thar sawifiah a ni a. Sawrkar laipui lama scheme kalpui mek hrang hrang 66 zingah Mizorama kalpui theih scheme 40 a awm a. Chung zinga scheme 34 teah SNA SPARSH hi fel taka chettir mek an ni.

Mizoram hi SNA SPARSH kaltlanga sum che vel zawng zawng atanga chhut ah North-East state zingah a che tha ber a ni a. India ramah a ti tha ber sawm zingah a awm mek bawk. Chutih rual chuan hmabak tlema zawng la awm chu, hun tiam chhunga tha taka kalpui a nih chuan hmalak that lawmman SASCI atangin cheng vbc 350 a hmuh theih a, meeting hian he hnathawh that lawmman dawng thei tura hmalak dan tur a rel a ni.

<><><>

JJM

Chief Secretary Pu Khilli Ram Meena kaihhruaiin State Water and Sanitation Mission Apex Committee chu sawrkar laipui scheme Jal Jeevan Mission (JJM) hnuaia Mizoram-a hmalakna hrang hrangte thlirletin MINECO-ah nimin khan an thukhawm a.

He thutkhawmah hian Jal Jeevan Mission hnuaia Mizorama hna thawh zawh tawhte leh la kal mekte thlir ho a ni a. Hna thawk zo tura rokhawlhna awmte leh a chin fel dan tur pawh sawiho a ni a. Chief Secretary chuan JJM scheme a hlawhtlin theih nan department hrang hrang nen thawhhona tha neih a pawimawh thu a sawi.

Tun dinhmunah Mizoram-ah hian JJM hnuaiah scheme 852 kalpui a ni a. He scheme kaltlang hian thingtlang in tin, school leh Rural Anganwadi Centre zawng zawngte tui connection pek an ni tawh a ni.

<><><>

HANDHOLDING

Mizoram State Policy Coordination Committee (MSPCC) Vice-Chairman Dr. KC Lamalsawmzauva kaihhruaiin Handholding Scheme chungchangah meeting nimina neihah Union Bank of India nen thawhhona thuthlung MoU ziah a ni.

MoU sign naah hian Mizoram Sorkar aiawhin Pu Lalmalsawma Pachuau, Secretary to Govt. of Mizoram chuan a hming ziakin, Union Bank aiawhin Dr. Suvajit Samanta, Regional Head, RO Jorhat chuan a hming a ziak a ni. Tihian Handholding Scheme hnuaiah hian Partner Bank panga - SBI, MRB, MCAB, IDBI Bank leh Union Bank of India an awm ta a ni.

Meeting-ah hian Scheme hnuaia Phase 2 a dilna luh dan leh Nodal department te hmalakna thlirho a ni a. Partner Bank ten loan an pek tawh dan te sawiho a ni bawk.

Phase-I hnuaiah Loan dilna 11439 lut zatah 751 pawm niin, CM Special Package 29571 lut zatah 2255 pek a ni a. Phase-II hnuaiah loan dilna 453 lut tawh zatah 36 chu pawm tawh niin, CM Special Package dilna 40878 lut tawhin, approved zat hi 463 a ni.

Phase-I leh Phase-II hnuaiah a vaiin SBI chuan an bank a dilna lut zinga zaa 47 (mi 81) loan an pechhuak tawh a. MRB chuan zaa 55 (mi 244) pechhuak tawhin, MCAB chuan zaa 75 (mi 44) an pechhuak tawh bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

MZSRLM

Rural Development & Administration Department Secy Pu R. Zarzosanga kaihhruainain Mizoram State Rural Livelihoods Mission (MzSRLM) leh Project Implementing Agencies pasarih te chuan thalai 1022 te skill development training-na tur atan thawhdunna thuthlung (MoU) an ziak.

He MoU hnuaia zir theihte chu - Fashion Designing, Sewing Machine Operator, Guest Service Associate, Solar Pv Installer leh General Duty Assistant te a ni.

DDU-GKY project hi Mizoramah kum 2018 atanga lo kalpui tawh niin thingtlang thalai kum 18-35 inkarte tan a thlawn veka training kalpui a ni a, training zo tawhte chu Mizoram chhung leh India ram hmun hrang hrangah hna zawnpui thin an ni.

Tun dinhmunah thalai 3897-te’n training zo tawhin he’ng zinga mi 2580-te chu Mizoram chhung leh India ram hmun hrang hrang – 5 Star Hotel leh Resort, Call Center, Cabin Crew leh a dangahte hna hmuhsak tawh an ni.

<><><>

OSOP

Indian railways hmalakna One Station One Product OSOP scheme hnuaiah kut themthiam mi nuai khat chuangin hamthatna an dawng tawh. He scheme hi tualchhung kut themthiamte kutchhuak pholanna leh anmahni chawikanna pawimawh tak a nia. Union Ministry of Railway chaun ramchhunga rel station 2000 chuangah OSOP scheme hi hman ni tawhin artisan nuai 1 sing 3 leh sang 2 chuangin an thil siamte nitin rela khualzinte hnenah an hralh theih phah a. Hetianga hmalakna avang hian rel station te chu sumdawnna hmun pawimawh takah siam a ni tawh a ni.

<><><>

PRAGATI

Prime Minister flagship programme Pro-Active Geovernance and Timely Implemetation,PRAGATI chuan mellung pawimawh tak phunin a tum 50 na inhmuhkhawm hlawhtling takin a nei. He programme hi PM Modian kum 2015 a bul a tan atangin sawrkar inrelbawlna leh hnathawh dana inthlak danglamna tam tak a thleng a. Sawrkar hnathawkte hna thawh dan chu a hunlai ngeia vil a ni a, Prime Minister hoa thlirletna hun hman thin niin hetah hian hmasawwna ruhrel pawimawh tak tak te pawm niin mipuiten lungawilohna an thlente pawh enfiah nghal a ni a thin a. Kum 10 chhungin PRAGATI hian sawrkar thutlukna pawimawh tak takah nasa takin a pui a, hmasawwna hna thawh tikhawtlai thinte chin fel niin sawrkar hnathawkte rintlak lehzuala siam an ni. PRAGATI hnuaia projenct pawimawh tihhlawhtlin zinga pakhat chu Maharastra-a Bembla Irrigation Project a ni a. Kan correspondent sawidanin he project hi Pradhan Mantri Krishi Sinchayee Yojana hnuaia ami niin Maharastra-a Vidharba chhehvela loneitute tan tui lakna tha tak siamna tur a ni a. Kum 2007 daih tawha hna tan tura tih a ni a, sum pawh cheng vaibelchhe 2685 ruahman a ni a. Project tihhlawhtlinna kawngah harsatna chi hrang hrang a awm a. Hun engemawchen tikhawtlai anih hnuah PRAGATI hmangin hmalak a ni a. Nikum 2025 June ni 30 tak khan Bembla Irrigation Project hi hman theiha hawn a ni ta a ni..

<><><>

AI

Union Minister for Electronics and IT Ashwini Vaishnaw chaun AI hma hun chu kalphung lian tak aiin system te leh rintlak hmanga chher chhoh zel a ni ang a ti. Private media pakhatin a kawmnaah he thu hi sawiin Pu Vaishnaw chuan khawvel puma AI hna thawh zaa 95 hi small model hmanga enkawl a ni a ti a. India chuan AI hman kawngah a te tham leh man tlawm hmang kalpui a tum tih a sawi bawk.

<><><>